

Vanzgyangh: Hag Lizensij Aendangj, Supaeu Rengz Baenaj

环江：学党史，汲取前进力量

Mboengqneix, gij dangjyenz Vanzgyangh Mauznanzcuz Swciyen Dacaz Yang faen song buek bae daengz Hingh'anh、Cenzcouh guh hozdung “hag lizensij aendang、gyo'mbaiq aendangj、riengz aendangj baenaj” hag gij cingsaenz Ciengzciengq Sienghgyangh, gyaepa cingsaenz Cangzcwngh, daj son'gyauq lizensij aendangj ndawde supaeu rengz baenaj.

Gyoengq dangjyenz youq hingh'anh、Cenzcouh ngonzyawj le Gaisouj Du'gyangh Maxdaeuz、Hungzginh Cangzcwngh Sienghgyangh Canyiz Geiqniemhgvanj daengj dieg, caiq dauqun le gij vahmieng haeujdangj, daj gij ginglig gwzming yinghyungz hagsib gij cingsaenz gwzming fouzsei okrenz、haengrenz buekguh bouxgonq. Daihgya cungj naeuz aeu ciengxlwenx geiqmaenh gij cingsaenz Cangzcwngh hungmbwk haenx, dawz gij makbaenz son'gyauq lizensij aendangj bienqbaenz gij rengz baenaj, mboujduenh genhding gij saenqsim baenaj, mbouj lumz simnduj, gungroengz hojnanz, youq gwnz vihhong swhgeij vih vunzlai guh saedsaeh.

(Veiz Yencunh / 韦艳春)

► Gyoengq dangjyenz ingjsiengq louzniemh.



Yungzanh: Aeu Vwnzyi Biujyenj Lwnhgangj Gimq Doeg

融安：以文艺汇演宣传禁毒

7 nyied 23 hauh, Liujcouh Si guh “gimq doeg senhconz haeuj fanh gya” vwnzyi biujyenj hozdung haeuj Yungzanh. Liujcouh Si aeu ndaej aen mingzdaeuz “Aen Si Guhyiengh Gimq Doeg Daengx Guek”, vih gyamaenh aen makbaenz gimq doeg couh banh buek hozdung neix. De dawz gij cihsiz gimq doeg yungzhaeuj ndaw cezmuz bae,

hawj vunzlai Yungzanh itmienh yawj cezmuz itmienh daezsang gij swhsiengj caeuq naengzlig roxnaj huqdoeg、fuengz doeg、mbouj gwn doeg, hawj cihsiz gimq doeg haeuj uk haeuj sim, hawj daengx biengz doxcaez gimq doeg.

(Cinz Gozcwng Cangh Cing / 陈国正 张静)



▲ Vunzlai biujyenj cezmuz bae lwnhgangj gimq doeg.

Bingzgoj Laebbaenz Aen Hezvei Canghraiz Sawcuengh

平果成立壮文作家协会

Mboengqneix, Bingzgoj Si Vwnz-yoz Yisuz Gai Lenzhozvei laebbaenz le Aen Hezvei Canghraiz Sawcuengh. Gyawj geij bi neix, aen si neix gungh miz 30 boux canghraiz、cozcej laeb-daeb aeu Sawcuengh raiz saw. Gij sawcuenh、sanjvwnz、sei daengj gyoengqde ndaej fatbiuj youq banj Sawcuengh 《Gvangsih Minzcuz Bau》 caeuq 《Sam Nyied Sam》 gwnzde. Miz haujlai bien cozbinj lij aeu ndaej Sawcuengh vwnzyozciengj、Gvangsih sevei gohyoz youhsiu cwngzgojciengj

daengj. Neix vih lwnhgangj gij cwngecwz aendangj caeuq guekgya、coicaenh gij vwnzyoz cangcoz Bouxcuengh hwngfat okrenz. Aen si neix laebbaenz aen hezvei, gujli gyoengq canghraiz、cozcej engq gaenxmaenh raiz saw, gungganq ok aen vunzcaiz duivuj aeu Sawcuengh raiz saw rengzhoengh ndeu, cauhyuh aen cindi aeu Sawcuengh raiz saw engq ndei ndeu, coicaenh gij saehnieb vwnzyoz yisuz Bingzgoj Si guh ndaej engq hoenghhd.

(Yiz Ciz / 余执)



▲ Yienhciengz aen yizsiz soengq saw.

Cunghgoz Minzcuz Yijvwnz Fanhyizgiz Soengq Saw Hawj Nanzningz Si

中国民族语文翻译局给南宁市赠书

7 nyied 23 hauh, Cunghgoz Minzcuz Yijvwnz Fanhyizgiz hawj Nanzningz Si Duzsuhgvanj caeuq gij hagdangz son'gyauq Cuengh Gun、gak gaep siujsoq minzcuz yijyenz vwnzsw bumwnz Nanzningz Si soengq le 9000 bonj 《Cungguek Baenzlawz Dingjfuengz Binghraiq Bwtndat》 (banj Sawcuengh). Bonj saw neix geggangj le vunz Cungguek dwg baenzlawz dwgrengz dingjhoenx、fuengzre binghraiq bwtndat, baijok gij saenqsim、ligliengh doxgiet doxgap、hoenxhingz binghraiq, hawj gyoengq ganbu vunzlai engq rox gij makbaenz fuengzre binghraiq dwg youz Dangjcunghyangh dazyinx aeu ndaej haenx, caiq dawz gij swhsiengj caeuq hengzdoengh daengx guek gak cuz ganbu ginzcong dungjiyiz daengz gij gezcwz baijbouh Dangjcunghyangh bae, caezsim comzrengz veh ndei aen “gien doengzsim” doxgiet baenaj ndeu.

(Vangz Yinz Vangz Cauzvej / 黄云 黄朝伟)